

南湖集

三

重

南湖集

南湖集卷第七

秦川 張 鎡 功甫

五言絕句

桂隱記詠

并序

淳熙丁未秋僕自臨安通守以疾旬祠旣歸桂
隱遂捐故廬爲東寺指新舍爲西宅南湖以經
其前北園以奠其後因枚立堂宇橋舟諸名各
賦小詩一篇緣題述興不拘一律區區樂閒之
心聊用以自見云

南浦集卷一
桂隱

未說花開好團看葉自奇明朝非願避愛樹恐相離

東寺

數舉營巢債纔成作佛廬隨堂展單鉢均是道人居

北園

地勢本居中因湖別南北三十六計中吾今計爲得

山堂

誰無數椽屋蓋成多是俗如此亂山中非關松石竹

高寒堂

下瞰東鄰寺鐘聲殷兩山貪吟嘗忍冷薄夜不知還

安閒堂

不作風波民已鑄赫胥印同好豈無人望崖行少進

翠樾堂

寶畫光騰處喬林更碧巒權衡主人福壓盡世閒官

清夏堂

夜月三杯色晴荷十畝香若教興世念不甚覺風涼

在錦

池邊

尙友軒

相別音書斷相逢語話稀平生膠漆處正要世情疑

煨芋軒

煖坐無寒涕窗油雪釀明地爐糠火熟飽聽亂松聲

殊勝軒

杜老詩中佛能言竹有香欲知殊勝處說著早清涼

傳經軒

香炷對清晨微言得問津所師非傳癖手澤仰如新

讀易軒

大易緣何有難逃此問中不從橫畫會爻象總能通

詠老軒

因看上下經便無煩惱事慈儉不爲先躬行五箇字

眞如軒

窗外植
巨竹

翠竹是眞如目前須薦取恁麼做禪和被人輓似鼓

易容軒

世界無非我心懷卽是天玉堂并草舍何地不安然

泰定軒

觸處天光發何嘗離定中間云誰散亂又道主人公

玩芝軒

陰洞親尋徧燈驚蝙蝠飛堅明敲紫玉一似采時肥

石林軒

濯濯何年有先公手種成至今揩痒虎來認讀書聲

俯巢軒

化國舒長日林隈分外知年年庭陰匝數徧鵲尋兒

書葉軒

拋絮輕於柳棲禽不待凰題詩非勝紙畱詠託枝涼

靜賞亭

阜隸百輕肥金朱彈丸篋君方踞胡牀風掀紺冊葉

擁山亭

拚抱復回環亭居紫翠閒思量天下物誰更好如山

撫鶴亭

立縞芳桂陰置汝固已當他年莫姓丁止厠子姪行

俯鏡亭

喚作大圓鏡波文從此生何妨雲影雜榜樣自天成

依綠亭

月出煙暝時水調誰家唱短櫂欲相尋先經此亭上

雲外亭

芒屨方疑溼天晴逕又乾由來雲在下木杪是欄干

沙際亭

小檝輕撈去無人伴此翁午煙青一點魚虎出深叢

鱸鄉亭

溪叟挈笻簪曾來候此亭未知余不殺剛要著魚經

摘霞亭

霞卽杏也

一片吹來錦人言是杏花倚欄堪把玩勝似日邊霞

瓊華亭

莫羨海棠色聽言著子時驪珠千萬顆撒向嫩桑枝

粲金亭

枇杷

柘彈黃金子誰將滿樹裝
珍禽來往慣風落不驚忙

滿霜亭

霜卽橘也

疑駕洞庭颿纍纍看繞山
花時芳氣潔伯仲素馨閒

聽鶯亭

不向他園去能來共竹林
故鄉知我念特地奏秦音

松橋

欲向松閒去梅西竹塢穿
莫言吟興在風雪灞橋邊

竹橋

新篁故蒙叢惡草剛薈翳刪薙似少恩成渠玉無際

柳橋

初因橋種柳卻用柳名橋桂隱從茲入春風莫浪招

平橋

橋向平邊度風從闊處來冷然旬五日無去亦無回

興遠橋

窈窕或崎嶇不是邯鄲步因來此凭欄又送孤鴻去

歸喜橋

半歲吏塵役天書敎放歸思量難報稱安穩飯和衣

靜樂廬

城市非無地如何此結廬一家耽靜樂兩個水邊居

心足寮

聞道華胥國依稀似醉鄉近來參得透睡穩不因牀

茂光臺

風日清美時月露澄爽際能來此徜徉掃除聞見翳

安樂泉

潛通大壑水一杯千慮散只因都放下如熱病得汗

鵲泉

南浦集卷一
鵲飲樹底泉人立石邊路相親不相疑所性平等故

樵徑

路入前山處蒼苔裏石稜不逢負薪叟時見隔林僧

霞川

澗兩岸
種桃

方舟臥看花丹霞二三里窮眼謝元暉休言餘散綺

檣蘋舟

玉立蜻蜓小香欺漫港秋百年清絕意孤櫂抵封侯

戲答客問

桂隱芙蓉盛柴門日日開若無詩與酒不請看花來

題松身

不見蟄根時唯喜蒼陰覆
借汝葉閒聲當我風信句
前後植木犀樓上有月臺
盡見諸山

盛世適親逢樓臺得地雄
無形兼有象俱在太和中
登春陌

花柳豔通津幽居日日春
門前往來者同是華封人
香玉花

髣髴是茶藤金沙著白衣
香於佛見笑大似野薺微
題水墨畫水仙木犀

南浦集卷一
翠裏擎金餞香風動寶車几閒莫輕覷故故薄雲遮
昔年風露鄉裙破鬱金黃別來參祖意壞色染衣裳

題瑞香花扇

夢裏誰曾見香篝紫繡蒙枝閒兩飛蝶我共漆園翁

汎星槎

鼻祖尋河源織女喜停機我不願上天湖中亦忘歸

題平甫弟梁溪莊園

兩字雖差遠花繁好作名假饒千萬偈難狀爾多情

茶谷閒步

自攜折腳鐺煮芽仍帶葉客至請渠嘗俗塵消曠劫

澗西閒汎

曲曲通航小蘭橈手自移映叢憐白鷺特地過灣遲

同王夢得夜坐

何處起香雲清談我與君雨來臨水坐魚躍隔窗聞

晚興

江漢舊名侯飄蕭髮未秋時榮那似此天地入詩游

道經寒蘆港

蘆深可藏人下有扁舟泊正似洞庭風日暮孤帆落